

**Bosna i Hercegovina
Federacija Bosne i Hercegovine
Tuzlanski kanton
Grad Tuzla**



**Služba za ekonomski razvoj
i društvene djelatnosti**

Broj: 04-519/2019
Tuzla, 27.06.2019. godine

PREDMET: Program raspodjele sredstava za podršku projekata organizacija iz oblasti poduzetništva, za 2019. godinu;

U Budžetu Grada Tuzla za 2019. godinu, u okviru Službe za ekonomski razvoj i društvene djelatnosti, na poziciji „Tekući grant za finansiranje projekata iz poduzetništva“, planirana su sredstva u iznosu od 30.000,00 KM.

Članom 20. Odluke o izvršavanju Budžeta Grada Tuzla za 2019. godinu („Službeni glasnik Grada Tuzla“, broj: 13/18), utvrđeno je, da se sredstva na navedenoj poziciji raspoređuju na osnovu programa raspodjele sredstava, kojeg na osnovu zapisnika o radu i konačne rang liste Komisije za ocjenu i odabir projekata neprofitnih organizacija, usvaja Pomoćnik gradonačelnika za Službu za ekonomski razvoj i društvene djelatnosti, u skladu sa važećim kriterijima.

Uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, između ostalih prioritetnih oblasti, i u oblasti poduzetništva, regulisani su važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19), (u daljem tekstu: Odluka).

Na osnovu člana 4. ove Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, za 2019. godinu, broj: 04-159/19, od 20.02.2019. godine, kojim su, između ostalog, u okviru prioritetne oblasti poduzetništvo, određena sektorska područja, odnosno prioritetne podoblasti, prihvatljive aktivnosti i fokus projekata neprofitnih organizacija koji se kandiduju putem javnog poziva, ciljne grupe prema kojim su usmjerene projektne aktivnosti, minimalni i maksimalni iznos koji se može rasporediti za kandidovani projekat u ovoj prioritetnoj oblasti.

Putem javnog poziva neprofitnim organizacijama za predlaganje projekata koji će se podržati između ostalog, i iz sredstava sa pozicije Tekući grant za finansiranje projekata iz poduzetništva, od ukupno deset zaprimljenih aplikacija projekata, sedam projektnih aplikacija je na osnovu kriterija i podkriterija utvrđenih gornjom Odlukom, od strane imenovane komisije ocijenjeno i predloženo za dodjelu sredstava, sa prijedlogom iznosa za svaki prihvaćeni projekat. Ostale tri projektne aplikacije nisu ispunile propisane uslove, odnosno nisu adekvatno ocijenjene prema kriterijima i podkriterijima utvrđenim gornjom Odlukom.

U tabelarnom pregledu koji slijedi prikazani su projekti koji su obuhvaćeni raspodjelom sredstava sa ove pozicije, dok projekti organizacija: Udruženje Bosanska familija „BOSFAM“ Tuzla, UG SRD „Rudar-Kreka“ Tuzla i TR „ELVIR“ VI. Muminović Amira, Tuzla iz formalnih razloga i nedovoljnog broja bodova nisu predmet raspodjele sredstava iz ovog Programa.

S tim u vezi, na osnovu liste projekata koji ispunjavaju uslove za raspodjelu sredstava, sa iznosom sredstava predloženim na osnovu komisijske ocjene projektne aplikacije prema utvrđenim kriterijima i podkriterijima, pripremljen je **Program raspodjele sredstava za podršku projekata organizacija iz oblasti poduzetništva, za 2019. godinu** (u daljem tekstu: Program), kako slijedi:

**Program raspodjele sredstava za podršku projekata organizacija iz oblasti poduzetništva,
za 2019. godinu**

RB	Nosilac realizacije projekta	Naziv projekta	Iznos finansijskih sredstava (KM)
1	Udruženje obrtnika Grada Tuzla	SAMBIT – sajam malog biznisa	5.000,00
2	Centar za edukaciju i obrazovanje“ Tuzla	Podrška razvoju poduzetništva u Tuzli	4.000,00
3	Udruženje građana pčelara „Tuzla“ Tuzla	Pčelarstvom do samoodrživog biznisa	4.000,00
4	Centar za socijalne inovacije Tuzla	Socijalno poduzetništvo – inovacija u zapošljavanju mladih	4.000,00
5	Savez UG oboljelih od distrofije TK	Edukacijom do znanja, znanjem do posla	2.500,00
6	Udruženje građana „FARM“ Tuzla	EKO FEST	2.000,00
7	UP BiH UP TK	Autohtoni BH proizvodi u funkciji ruralnog razvoja – transfer znanja	2.000,00
	UKUPNO		23.500,00

Ovim Programom, za predviđene oblike podrške iz prihvaćenih projekata, u odnosu na 30.000,00 KM raspoloživih sredstava, raspoređena su sredstva u iznosu od **23.500,00 KM**.

Implementacija prihvaćenih projekata iz ovog Programa doprinijet će ostvarivanju ciljeva u okviru prioritetne oblasti – poduzetništvo, definisanih Javnim pozivom, a u skladu sa Programom utroška sredstava iz Budžeta Grada Tuzla za podršku projekata neprofitnih organizacija putem javnog poziva, za 2019. godinu, broj: 04-159/19, od 20.02.2019. godine, i to: razvoj poduzetništva, malih i srednjih preduzeća i obrta, promociju razvojnih potencijala grada Tuzla, ekonomsko osnaživanje i zapošljavanje specifičnih ciljnih grupa kao što su osobe sa invaliditetom, žensko i socijalno poduzetništvo, poduzetništvo mladih i sl, turizam i promociju turističkih potencijala, kreativnu industriju i slično, podršku inovativnosti i podizanju nivoa svijesti o potrebi razvoja tehnologije u proizvodnji kroz edukacije, te podrška razvoja tradicionalnih i tipičnih proizvoda i ruralnog poduzetništva.

U tom smislu, u sažetku će biti prezentirani zacrtani ciljevi projekata koji su obuhvaćeni ovim Programom:

- realizacija projekta Udruženja samostalnih obrtnika Grada Tuzla (SAMBIT – sajam malog biznisa), u funkciji je razvoja i promocije poduzetništva, malih i srednjih preduzeća sa područja grada Tuzla, kroz edukativne radionice na kojima će biti pozvani svi oni koji žele pokrenuti vlastiti biznis, a posebno teško zapošljive kategorije stanovništva. Radionice su planirane da se održe u četiri ciklusa, a cilj je da upoznaju buduće poduzetnike sa načinom registracije obrta, vođenjem poslovnih knjiga, zakonskom regulativom koja reguliše poslovanje obrtnika, a sve u cilju stvaranja pretpostavki za otvaranje novih radnih mjesta,
- realizacijom projekta Centra za edukaciju i obrazovanje Tuzla (Podrška razvoju poduzetništva u Tuzli), doprinijet će se razvoju poduzetništva kroz osnaživanje i jačanje poduzetničkih kompetencija korisnika iz specifične ciljne skupine-nezaposlenih žena, mladih osoba i osoba sa invaliditetom, tako da projekat doprinosi razvoju segmenta socijalnog poduzetništva i zapošljavanju korisnika iz navedenih ciljnih skupina.
- realizacija projekta Udruženja građana pčelara „Tuzla“ Tuzla (Pčelarstvom do samoodrživog biznisa), fokusirana je na popularizaciju i promociju pčelarstva i pčelinjih proizvoda kao značajne privredne djelatnosti koja pruža mogućnosti zapošljavanja u proizvodnji pčelinjih proizvoda, pakovanju i doradi pčelinjih proizvoda, te upoznavanje sa najnovijim dostignućima i inovacijama u oblasti pčelarstva.
- realizacijom projekta UG oboljelih od distrofije TK (Edukacijom do znanja, znanjem do posla), cilj je pojačati uticaj na sve interesne grupe od kojih zavisi zapošljavanje osoba sa invaliditetom i smanjenje socijalne isključenosti ove kategorije, s posebnim fokusom na osnaživanje ove kategorije nezaposlenih kroz edukacije, osposobljavanje za kvalitetnije apliciranje za posao, upoznavanje sa poslodavcima, što u krajnjem utiče na njihovo uspješnije pozicioniranje na tržištu rada. Naznačeni ciljevi i aktivnosti ovog projekta predstavljaju nastavak uspješno realizovanih projekata ovog Udruženja iz predhodnih godina.
- realizacija projekta Udruženja građana „FARM“ Tuzla (EKO FEST) i Udruženja građana „UP BiH UP TK“

Tuzla (Autohtoni BH proizvodi u funkciji ruralnog razvoja – transfer znanja) imaju za cilj razvoj i zaštitu tradicionalnih i kvalitetnih domaćih poljoprivrednih proizvoda, bolje povezivanje proizvođača i potrošača, edukaciju poljoprivrednih proizvođača u podizanju nivoa kvaliteta i tehnologije proizvodnje, te za postizanje bolje pozicije na tržištu, što je direktno u funkciji razvoja segmenta ruralnog poduzetništva i u krajnjem doprinosi poboljšanju i boljem korištenju mogućnosti zapošljavanja i stvaranja radnih mjesta u okviru porodičnih poljoprivrednih gazdinstava.

Prema Odluci o izvršavanju Budžeta Grada Tuzla za 2019. godinu, sredstva raspoređena ovim Programom, mogu se realizovati nakon što Program, usvoji Pomoćnik gradonačelnika za Službu za ekonomski razvoj i društvene djelatnosti.

Krajnji rok za realizaciju Programa, odnosno implementaciju planiranih aktivnosti iz prihvaćenih projekata, je 31.12.2019. godine.

Sredstva ovog Programa će biti doznačena odabranim implementatorima, odnosno nosiocima realizacije projekata, u jednokratnom iznosu, nakon obostranog potpisivanja ugovora o regulisanju međusobnih odnosa u vezi realizacije sredstava raspoređenih Programom, uz obavezu da Službi za ekonomski razvoj i društvene djelatnosti Grada Tuzla dostave narativni i finansijski izvještaj sa pratećom dokumentacijom kojom se dokazuje namjenski utrošak doznačenih sredstava.

Nakon realizacije Programa ova Služba će pripremiti i prezentirati Gradonačelniku i Gradskom vijeću Tuzla, informaciju o realizaciji i korištenju programskih sredstava.

**Pomoćnik Gradonačelnika
za Službu za ekonomski razvoj i društvene djelatnosti**

Zijad Lugavić, magistar ekonomije